













王守仁荅安宣慰書

公論逆瑾謫  
龍場驛丞諸  
士夷雅知重  
之貴州宣慰  
安氏壤與龍  
場接時時使  
致幣帛粟肉  
會安氏陰通  
土酋欲叛  
朝廷守仁因  
作書貽之此  
第二書也

阿賈阿札等畔宋氏爲地方患傳者謂使君使之此  
雖或出于妬婦之口然阿賈等自言使君嘗錫之以  
氈刀遺之以弓弩雖無其心不幸乃有其迹矣始三  
堂兩司得是說卽欲聞之于朝旣而以使君平日  
忠實之故未必有是且信且疑姑令使君討賊苟遂  
出軍勦撲則傳聞皆妄何可以濫及忠良其或坐觀  
逗遛徐議可否亦未爲晚故且隱息其議所以待使  
君者甚厚旣而文移三至使君始出衆論紛紛疑者  
將信喧騰之際適會左右來獻阿麻之首偏師出解





其詞氣甚婉  
而議論甚正  
利害禍福曉  
諭甚悉安氏  
得不惕然悔  
也

洪邊之圍羣公又復徐徐今又三月餘矣使君稱疾  
歸臥諸軍以次潛回其分屯寨堡者不聞擒斬以宣  
國威惟增抄掠以重民怨衆情愈益不平而使君之  
民罔所知識方揚言於人謂宋之難當使宋氏自平  
安氏何與而反爲之役我安氏連地千里擁衆四十  
八萬深坑絕地飛鳥不能越猿猱不能攀縱遂高坐  
不爲宋氏出一卒人亦卒如我何斯言已稍稍傳播  
不知三堂兩司已嘗聞之否使君誠久臥不出安氏  
之禍必自斯言始矣使君與宋氏同守土而使君爲  
之長地方變亂皆守土者之罪使君能獨委之宋氏



僻處遐方心  
不能敵全盛

之中朝明

甚

偏據一隅必

不能當環列

之羣雄又明

甚

一支孤立又

必不能當族

衆之圖我益

明甚安氏得

無寒心哉

乎夫連地千里孰與中土之一大郡擁衆四十八萬  
孰與中土之一都司深坑絕地安氏有之然如安氏  
者環四面而居以百數也今播州有楊愛愷黎有楊  
友西陽保靖有彭世麒等諸人斯言苟聞於朝  
朝廷下片紙於楊愛諸人使各自爲戰共分安氏之  
所有蓋朝令而夕無安氏矣深坑絕地何所用其險  
使君可無寒心乎且安氏之職四十八支更迭而爲  
今使君獨傳者三世而羣支莫敢爭以朝廷之命  
也苟有可乘之釁孰不欲起而代之乎然則揚此言  
於外以速安氏之禍者殆漁人之計蕭牆之憂未可



測也。使君宜速出軍平定反側。破衆讒之口。息多端之議。彌方興之變。絕難測之禍。補既往之愆。要將來之福。守仁非爲人作說客者。使君幸熟思之。

王世貞曰。土酋阿賈阿札叛安氏。陰與通事且聞撫鎮矣。守仁作書抵安氏。道利害甚悉。安氏始幡然悔。得以無搆兵者。守仁力也。

張以忠曰。公當播棄之餘。而猶惓惓爲國消彌邊。

釁。若此。豈以放逐而忘朝廷者哉。其書

婉曲曉暢。利害洞然。尤稱辭命妙品。



象廟記

文多變化曲  
折而筆力清  
嚴立意醇正  
自是作手

序次有法

宕入法圓而  
勁

靈博之山有象祠焉。其下諸苗夷之居者咸神而事之。宣慰安君因諸苗夷之請新其祠屋而請記於予。予曰：毀之乎其新之也。曰：新之新之也。何居乎？曰：斯祠之肇也，蓋莫知其原。然吾諸蠻夷之居是者，自吾父吾祖邇曾高而上，皆尊奉而禋祀焉。舉之而不敢廢也。予曰：胡然乎？有庫之祠，唐之人蓋嘗毀之。象之道以爲子則不孝，以爲弟則傲，斥於唐而猶存於今。毀於有庫而猶盛於茲土也。胡然乎？我知之矣。君子之愛若人也，推及於其屋之烏，而况於聖人之第乎？



古文  
卷十一  
三  
文氣如貫珠  
而老筆蒼然  
更自高越

借周公管蔡  
說識論奇絕

哉然則祀者爲舜非爲象也。意象之成其在干羽旣  
格之後乎。不然古之驚桀者豈少哉。而象之祠獨延  
於世。吾於是益有以見舜德之至入人之深而流澤  
之遠且久也。象之不仁蓋其始焉。爾又烏知其終之  
不見化於舜也。書不云乎。克諧以孝。烝烝乂。不格姦。  
瞽瞍亦允若。則已化爲慈父。象猶不弟。不可以爲諧。  
進治於善。則不至於惡。不抵於姦。則必入於善。信乎  
象蓋已化於舜矣。孟子曰。天子使吏治其國。象不得  
以有爲也。斯蓋舜愛象之深。而慮之詳。所以扶持輔  
導之者之周也。不然周公之聖。而管蔡不免焉。斯可



夷之祀象歷  
千載勿改必  
自有說此推  
原一段尤妙

又轉出一層  
議論

以見象之見化於舜故能任賢使能而安於其位澤  
加於其民既歿而人懷之也諸侯之卿命於天子蓋  
周官之制其殆倣於舜之封象歟吾於是蓋有以信  
人性之善天下無不化之人也然則唐人之毀之也  
據象之始也今之諸夷之奉之也承象之終也斯義  
也吾將以表於世使知人之不善雖若象焉猶可以  
改而君子之修德及其至也雖蓋象之不仁而猶可  
以化之也

張以忠曰轉據推宕一氣鼓鑄絕無縫闕而格法尤

深老自是傑筆







王慎中遊清源山記

援引牛山峴首二事以見山水之勝古今賢愚不能領略者多矣彼縱富貴功名凌厲一時不如已登高望遠之樂真也俯仰太息惘然情深

登高望遠。攬山水之奇變。娛耳目於清曠寥廓之表。而窅然失一世之混濁。天下之樂。宜無此踰者。牛山之遊美矣。而景公以之雪泣沾襟。不能自止。羊叔子登峴山以臨漢水。至與參佐相語悲咽。惘然而罷。何情之反也。以景公之愚。睠然覽齊國之富。恐其一旦忽然去之而死。不得免。其意之卑。而晏子笑其不仁宜矣。叔子慨然顧其一時之功。愛而難忘。慮他日之易泯。撫當日之權。而不足以自慰。可謂賢者。其當樂而哀。以身爲累。而不得盡悅生之性。亦何以異於不



頓挫豪宕遙  
韻播流

風神轉側妙  
極情致讀過  
此段如鬧燕  
塲啜清涼露

仁者之悲嗟乎富貴之君侯功名之卿士窮天下之  
欲無所不足志滿氣盛其多取於物而備享之以爲  
快何所不得宜其兼得於山水而牛山峴首之勝反  
以出涕而興嗟彼其念富貴之可懷而傷其不得久  
有喜功名之甚冀於垂永而患其無聞則雖左山右  
江履齒翠而俯濤瀾而不能有其樂寧獨不樂而已  
且爲之感慨而哀孰知夫蒼厓翠壁發舒氣象而凌  
薄光景亦導憂增戚之物也當其戒具往遊固以酣  
乎秦佚之驕羨倦乎勳伐之勞勤思取樂於山水之  
間以適耳目之娛卒求須臾之樂而不可得豈非以



波流滯洄曲  
而有味婉而  
多風

其所都厚與所挾之高起於濡戀矜顧而然耶富貴  
功名者之於山水其果不可以兼取也清源山者泉  
州之名山也予嘗以暇日往遊於其間好事者往往  
撰肴酒躋山之顛就予而飲食之因輒相命爲遊攀  
援險絕探討幽竊極意所止有從有否不爲恡也顧  
視其踽踽寂寥崎嶇而盤桓何足以望牛山之儋從  
峴首之賓僚然吾未嘗不樂而客之從者未嘗不與  
吾同其樂也以吾之早廢於時習於富貴之日淺而  
頑拙不適用曾無秋毫之長可以挾而待後欲爲濡  
戀而無所可懷欲爲矜顧而無所可喜而山水之樂



勘破千古襟懷  
蕩滌

卒爲吾有。吾雖困於世。於物無所多。取而獨得之於此。彼富貴功名者。於天下之欲窮矣。而於天下之樂。猶有所憾。然則吾之困。非徒不以易千駟之君。而恒赫震耀聲烈。被於江漢。魁乎爲一代之元卿者。猶將藐乎其小。如卷石寸木之在於茲山也。吾之所取其亦不爲少與。旣以語客。復記之如此。

張以忠曰。景公戀齊國之富。羊叔子戀後世之名。雖賢愚判然。要之總一濡戀矜顧之心。所結故名山勝槩。不以爲樂。而反以生悲。烏知富貴功名。浮雲逝波耳。孰若登臨攬勝。以



山水娛心之足樂也然此文低徊俯仰極  
超曠處正極感慨處味之言外自知之



古今文統

卷之六



鄭曉 皇明同姓諸王傳序

皇祖封建本支翼衛磐石皆據名藩控要害分制海內國置相傳官屬護衛精兵萬六千人牧馬數千匹冕九旒服九章車旂服飾

明興同姓鮮少。所謂廟祔十五王者。皆追王也。當是時。開基江左。去塞萬里。近亦數千里。雖嘗圖宅咸陽。詔遷汴邑。然時有未遑。議遂中輟。高皇帝驅胡出塞。復我中華。經始慮終。防胡爲急。於是大啓宗封。錯布萬國。擇選諸子。周匝三垂。文皇英畧。益世開府。北平天險。地利甲於諸藩。北平以東。歷漁陽。盧龍。出喜峰。包大寧。控葆塞。山戎爲寧。王度榆關。跨遼東西。並海被朝鮮。聯開原。交市東北。諸夷爲遼王。北平西接古北口。瀕於雍河。中更上谷。雲中。鞏居庸。蔽鴈門。



叙次最有變  
化最有筆力  
錯綜整鍊何  
遜馬班

皇祖深意故  
在此

爲谷代王。鴈門之南。太原其都會也。表裏河山爲晉。  
王逾河而西。歷延慶。韋靈。又逾河北。保寧夏。倚賀蘭。  
爲慶王。兼殺隴之險。周秦都圻之地。牧垆之野。直走  
金城爲秦王。金城西渡河。領張掖。酒泉諸郡。西屆嘉  
峪。護西域諸國爲肅王。此九王者皆近塞下。以故城  
郭富於曹滕。兵車雄於魯衛。莫不傳於元侯。翊以宿  
將。權崇制命。勢匹撫軍。肅清沙漠。則壘帳相望。締好  
宗潢。則輶輪不絕。若乃周楚齊潭。魯蜀諸王。並列內  
郡。亦皆秉鉞麾旄。部兵耀武。蓋草昧利於建侯。板蕩  
維於宗子。斟酌周漢。而衣食於縣官。寧有尾末之憂。



建文時失在  
削奪太驟諸  
王惴惴危俱  
人不自保故  
成祖靖難  
之師孫之而  
起  
齊谷俱廢庶  
人國除

懲創宋唐而綴旒於下國必無坑沉之禍世平自足  
以展親時危不難於復振此思王之所以控表宋侯  
之所以畫策者也迨其弊也盤石雖堅髓髀莫解葉  
高進賈誼之策而齊黃竟晁錯之謀凌逼既深猜忤  
遂積建文數年間雉罹龍躍利害相尋靖難以後矯  
枉鑒覆益篤因心驕恣復萌稍申裁抑書勅再三規  
誨懇惻而齊谷不悛終負私貸宣德初二叔不靖漢  
以義滅趙以恩完自是以後天子攬綱結網彘臬  
日嚴一不律則奪祿再不律則奪兵三不律則奪爵  
賢傳終老於梁園懿親絕宗於魏闕即使力如晉鄭



天潢宗派曰  
繁而朝廷祿  
米曰益公私  
交困久矣更  
化善治誠不  
可緩

無○假○於○勤○周○頑○如○吳○楚○何○緣○而○抗○漢○以○故○八○十○餘○年○  
間○有○園○土○之○收○未○聞○甸○師○之○戮○至○正○德○中○寘○鑄○狂○狡○  
卒○起○窮○邊○宸○濠○凶○奸○久○窺○神○器○不○逾○旬○朔○身○殞○國○除○  
今○皇○帝○峻○德○明○倫○每○布○詔○令○首○念○宗○人○諸○王○拱○辰○宗○  
海○好○禮○樂○善○雖○堯○親○九○族○周○享○萬○邦○曾○何○足○云○夫○聚○  
人○莫○急○於○理○財○宜○民○莫○大○於○通○變○洪○武○時○親○王○歲○祿○  
米○五○萬○石○他○用○亦○不○下○萬○石○而○吉○凶○之○賜○不○與○焉○  
高○皇○帝○約○已○裕○人○未○幾○卽○減○六○之○一○今○載○屬○籍○者○王○  
二○等○將○軍○三○等○中○尉○三○等○主○君○五○等○若○未○名○未○封○疏○  
庶○人○罪○庶○人○蓋○四○萬○有○奇○邸○祿○歲○增○民○財○日○窘○至○有○



經世君子宜  
為深計

共蓬而居。分餅而膳。四旬而未婚。十年而不塋者矣。  
嗟乎。驕溢則橫。而干紀。窘困則濫。而思亂。其為禍一。  
也。而不早為之所可乎。畧叙先朝典制。為初王表二。  
卷。五太子。七十七王。五庶人。傳三卷。明鑒戒焉。

張以忠曰。本朝分王諸子。錫之國。而不予以疆土。班。  
之祿。而不授以人民兵衛。有防出入有禁。  
制誠善矣。然累葉以來。宗支日衆。祿不不。  
給。草莽之士不思。國家敦睦至計。安請。  
限生限封。是不啻夷之氓隸也。天子展親。  
之謂何。天下之大。一夫不獲。猶當急為請。



命況乃宗盟忍膜外置乎但使朝廷之  
上清革冗員各衛所悉汰罷老軍士豈不  
歲省度支百萬而顧沾沾計宗室乎賴  
聖明天子採納群議肇開科目俾諸宗人  
得竝選舉至于秉耒服賈又豈有禁焉庶  
乎宗支困憊得以蘓息而國家敦親睦  
族之典不屬虛名矣不億孫子于萬斯年  
共享福祚靈長之慶恒必繇之



皇明異姓諸侯傳序

開國諸臣從太祖剪削群雄北驅胡虜底定中夏豐功茂績勒之不朽然武臣不知持盈循軌而或恃功驕恣犯法干紀因而上下猜歎功過不掩誅夷赤族往往株連藍胡一賞爰除殆盡洎乎靖難存者公一人侯二人而已嘉靖間始

我朝初起淮甸旋定江東收拓疆宇統一華夏滅漢之功爲最取幽燕次之次汴洛秦晉齊魯次吳次閩越次蜀又次滇南當是時功臣封者食租衣稅雖不得分土臨民而鐵券寶綸天盟廟授追崇之禮過于商周世宥之恩寬於漢魏矣高皇帝撫運開天刑用重典藍胡謀雪誅鋤萬數相國慘於繫蕭督府嚴於誅越豈非功高過大疑積釁深人主卽欲包荒法吏致其深詆寵祿浚剝宗姓殲夷勢運然也況革除之後輝祖以守義釋囚景隆以負國淹繫江陰失律



續封侯四人  
伯一人世其  
爵庶幾不失  
功賞世延之  
意云

今世爵惟靖  
難及諸征討  
有功居衆間  
國諸臣子孫  
乞恩嗣爵往  
往不許

遼西長興喪師真定越雋安陸之流乍承收復終歸  
氓隸故其存者魏西平武定三家耳成祖靖難以  
九門灞上白溝滄州藁城夾河靈璧七戰論功已而  
北驅殘虜南縛交酋西靖羗番東捕倭韓舊恩新績  
降胡廝養往往登封洪熙宣德文教漸張九伯皆特  
懷欵塞合騎從征頗稱不僭正統景泰天順間醜戎  
猾夏奸黨貪天已巳丁丑剖符益衆未幾誅奪存亦  
無幾成化時國家治平屯細柳出居胥雖師律尚嚴  
而簡覈多濫以故傳世者鮮弘治熙熙慎名與器封  
者無聞焉正德間汨廢典章黷濫極矣今皇帝洗



追錄元勳  
肇恩澤二事  
均曠代軼舉

滌乾坤○光復○祖憲○登極之詔○首錄擒反者宸濠

功已而秉鬯宗禋顧瞻烝侑悼念元勳興滅繼絕五

姓續封於斯善述若乃外戚恩澤封者洪武永樂未

之前聞增壽雖文后介弟顧靖難密謀殞命廷

闕長陵悼念子封定國至獻陵卽位景始以

昭后恩封裕陵又封景弟昇自是進紀褒申更相

援引今皇帝若曰營丘以鷹揚裂上建成以馬駟

受盟后家封爵皇祖未有典制魏定封公雖緣戚

里實開國靖難佐命功臣彭城惠安軍功居半可世

如故他皆宜革徙以先朝恩命錄之且終其身自



是慶陽大和皆罷封。稍稍陳乞。或得都督都指揮。指揮云。今攷累朝封者。公十八人。侯八十三人。伯八十八人。王一人。外戚公一人。侯五人。伯十一人。凡二百七人。乃今世及者。纔四十四人。其以文臣封者。公一人。伯八人。不得嗣者。乃七人。畧考其狀。世次爲異姓諸侯傳。令後世得覽云。道德勲庸最著者。錄諸名臣記。

張以忠曰。漢迄孝文。異姓已盡。我明垂三百年。勛臣永世。勿替故國。世臣庶其在此紀中。具述勛蹟。本末存。鷹揚之烈。且彰垂制之善云。



皇明三禮述序

太祖初得天  
下于洪武元  
年卽命中書  
省暨翰林院  
太常寺定擬  
三禮明年再  
命集義又別  
年編纂徵草  
澤道德文章  
之士相與考  
訂之以爲一  
代之制今書  
之存者大明  
集禮洪武定  
制禮儀定式  
稽古定制及  
諸司職掌所  
載典籍具在

太祖勤民育物敬共明神博考經誼釐正祀典二丘  
始分而終合四廟先異而後同明堂肇於周經我則  
交焉而侑仁祖太公遺於漢寢我則廟焉而祔宗  
人有其舉之至存佛老之宮無可考矣寧缺禘嘗之  
義蓋其酌今古通幽明絕地天和上下時因而因或  
沿於七代時革而革可考於三王殷殷乎秩秩乎撫  
世宜民神道設教不可以有加矣當是時議禮之臣  
李善長宋濂詹同陶安崔亮牛諒陶凱朱升樂韶鳳  
諸君子皆能尋則夷彤取法萃渙條之品式以授祠



古今文錄  
卷一  
三  
妙酌益損非  
歷代所能及

不有聖明  
孰與釐正

官雖損之益之未必盡復古先聖王之舊而仰贊聖  
猷一洗汚俗凡其矯誣妖誕褻鄙侵黷奇袤巫覡諸  
不在祀典者莫不峻制而曲防之豈非猾夏之禍烈  
於九黎桀常之功艱於二正時與勢然乎必欲咨三  
禮於四岳俟兩生於百年迂遠而濶於事情矣列  
聖相承式遵成憲建文撤仁祖而郊高皇仁  
宗因高皇而進成祖迨至憲宗升祔有祧寢  
之議孝穆登饗有奉慈之議情文恩義固有不得  
不然者其他稍有注措不過微文細故之間而已  
今皇帝天德高明學聖純邃孜孜三重休洽百神郊



嘉靖年間祀  
典再訂故云  
然

禘廟祫社稷禘雩。帝王聖師。雲雨風雷。岳鎮海瀆。農  
桑醫牧。老君仙子。山谷水伯。司舟宗匠。靡神不舉。商  
宗彤日。徒云豐昵。周王雲漢。僅爾弭災。孰若今皇  
帝發九世之積德。而垂萬世之常經也。嗚呼盛矣。  
張以忠曰。自胡元馭世。禮壞樂崩。神人胥紊。古聖典  
禮蕩然。無遺我太祖撫有天下。聿稽古  
制。愛定祀典。截然釐正。蓋斟酌百王垂法  
後世。永永無斁。實在于此。是誠歷代以還  
無復有與竝軫者。







皇明四夷考序

天子有道守在四夷未聞聖世有事外夷者苟恃中國盛強開豐生際則將荼毒生民虛耗財力而又不必得徒自虧損國威耳

高皇諭曰諸小蠻夷阻越山海不侵中國無煩用兵

四夷何以首安南也。我郡縣也。次元良哈。何我武衛也。哈密女直。非歟。羈縻之虜。非我官長也。兀良哈之有三衛。以靖難歟。非也。大寧之北。有三衛也。蓋自洪武始也。其南據大寧也。乃自永樂始也。將復交趾而收大寧乎。都統之議。夷且咍我。革蘭台已駸駸乎我貳矣。棄哈密而撫女直乎。哈密罷我河西。女直扞我遼東也。土番入哈密。而嘉峪不驚。胡虜通女直。而山海弗靖矣。朝鮮何以次。兀良哈也。知禮教也。大國也。琉球小夷。何以次。朝鮮也。學于中國也。何以終。韃靼



惟西北胡戎  
世爲中國患  
不可不謹備

然亦時時擾  
邊寇悲不息

也○非○勅○寇○乎○我○勝○國○也○盛○衰○之○運○中○國○有○安○危○焉○以○  
故○別○考○而○存○之○戰○守○之○畧○可○幾○而○得○矣○高○皇○何○以○  
有○海○外○之○使○也○更○始○也○成○祖○西○洋○之○艤○不○已○勞○乎○  
鄭○和○之○泛○海○與○胡○濙○之○頒○書○也○國○有○大○疑○焉○爾○羗○三○  
王○胡○四○王○我○厯○厯○焉○西○番○五○王○世○優○之○何○也○不○能○爲○  
我○深○創○也○苟○因○俗○而○治○之○得○相○安○焉○可○矣○西○域○何○以○  
不○得○浮○南○海○也○王○公○設○險○假○樹○渠○焉○如○之○何○使○其○縱○  
橫○出○入○幾○徧○宇○內○也○海○島○之○夷○勤○我○封○使○往○來○之○禮○  
歟○夷○不○言○往○來○往○來○言○諸○侯○也○四○夷○來○王○入○蠻○通○道○  
未○聞○有○報○使○焉○然○則○領○封○可○乎○奚○爲○而○不○可○也○陪○臣○



本朝外夷之患皆中華連

寇寇奪之是

故慎封守固

疆固不授以

可窺之隙策

之上也

宸箴廟略莫

過于此

請命于京師王人致命于海上非往來乎嗚呼均覆  
載者天德也辨華夷者天道也昔也外夷入中華今  
也華人入外夷也喜寧田小兒宋素卿莫登瀛皆我  
華人雲中聞浙憂未艾也是故慎封守者非直禦外  
侮亦以固內防也池魚故淵飛鳥舊林人情獨不然  
乎彼其忍於捐墳墓父母妻子鄉井而從異類者必  
有大不得已也嗚呼德惟善政政在養民盍亦反其  
本矣不然而欲郡縣我子弟武衛我干城烏可得哉  
張以忠曰蠻夷猾夏自古記之然中華無釁未有輒

起而寇患者我皇祖統一海內防禦諸



夷往往寧輯 列聖以來承平日久文恬  
武嬉邊臣無安攘之策有生事之釁柄臣  
無帷幄之謨有蒙蔽之寔賄賂公行徇私  
刑賞備禦寢弛諸夷昌熾寇塞侵掠不少  
休息蠹爾建夷馴致陷我內地使中國生  
靈殄瘁物力耗竭德威旣損疆圉亦蹙召  
釁啓禍寔自中朝奈何當事大臣徒知朋  
比媚嫉而安邊固本之策泄泄焉寘弗講  
也



皇明北虜考序

高皇驅胡出塞威震漠北虜猶擁眾寇邊不少休息況今日武備浸弛而可長保無事乎

永樂七年淇國公等五將軍出塞盡敗沒于臚胸河

高皇帝永清四海傳檄驅胡魏鄂逐之於前宋涼蹴之於後當是時然猶伏我障圉殘我吏民掩我將較皇子元侯樹藩開府周匝三垂選練士馬周防曲備羽檄南馳殆無虛日高皇垂訓時備西北猷慮遠矣靖難之後臚胸挫跌五帥不還文皇赫怒仗鉞四征雖嘗蹂虜庭降名王俘其輜畜而我之財力亦已大窘至於未歲猶議勤兵廷臣力阻上意益堅司徒匏繫於掖庭本兵雉經於私第榆木之憂雖悔曷追宣宗時出近郊大蒐講武喜峯之役薄伐山



已巳土木之  
變 皇輿北  
狩廟社幾危  
豈非權璫擅  
政當國之臣  
無遠猷以至  
此

天順復辟之  
年也先爲其  
下所殺

我而已。正統十餘年間。貢使往來。好語相誅謾。和親  
於漢。姬委賜物於宋。幣戎心狡焉。覬覦非望。重以奄  
寺。鴟張柄臣。酋鼠垣墉。旣潰羈勒。弗虔卒致。六師失  
次。將相輿尸。輅馬被遮。四郊多壘。三陵徹祀。萬雉幾  
搖。賴天之靈。景皇知人善任。文武大臣。艱難宣力。  
禹迹遄歸。堯封如故。虜亦散亂。叛弑相尋。我得寧輯。  
顧其書詞。桀傲使介。驕凌稍示。包荒治以不治。爾天  
順時。我懷平城之警。虜邁呼韓之隙。雖有寇掠。亦能  
扞禦。迨至成化。諸酋競起。分部爭雄。各據水草。殘我  
邊郡。河套沃土。棄爲虜巢。威寧之捷。足稱敵愾。顧茲



勤兵速略而  
不得要領何  
如保障固圉  
之爲得

讒口反謂貪功刀筆因而舞文千城爲之解體不恤  
大寧興和開平已非我有朔方河南亦非職方之舊  
而河西遼東徽外城郭諸國保塞奚夷亦漸携貳於  
是並塞萬里所在將屯官益多力益分財益匱中國  
益困以故弘治初年頗搜往牒謂洪武永樂皆嘗遣  
使穹廬至厓書勅錫之綺繡縻以官封苟駕馭有方  
彼狎其餌吾峻其防亭堠不驚耕牧自便遲以數年  
虜將耗鈍我益富强此計之得者也於時許進行之  
大同三年三貢費纔十餘萬金大同東西五鎮皆無  
虜患已而議者又謂虜入邊塞經關隘扣闕庭知我



時上銳意討  
虜內官力贊  
兵書劉大夏  
不可乃止

上親督軍禦  
虜于應州斬  
虜十六級而  
我軍死傷六  
百餘乘輿幾  
陷然以功陞  
賞者九千五  
百五十五人

地利關我兵力。普化也。先前車不遠。我是以閉關却  
貢。專意內修。已未庚申。妖纏昂畢。上谷雲中。慘被荼  
毒。孝宗發憤。召見公卿。卽議征討。劉大夏面陳利害。  
僅遣柳棘之師。坐收薇杜之績。不然。幾考庚寅之故。  
不貽已已之憂乎。然當是時。君臣輯睦。民物殷阜。遭  
此外憂。益勤內治。海宇晏然。不知兵革。比至正德河  
東陝西。鴈門以北。歲有虜患。隱敗冒功。上下欺蔽。修  
攘無策。人心思亂。盜賊四起。宗藩再變。豈惟衆叛。是  
謂親離。今皇帝躬神聖之資。乘昇革之會。順治威  
嚴。化洽內外。蠢茲醜虜。曾何足慮。彼善憂者。以爲近



庚戌之變幸  
志在劫掠  
無意權圖不  
然不將踵已  
已之轍乎鑒  
于此而廟筭  
邊防惡可不  
慎

言國家之盛  
正見不可常  
恃以爲治安

日諸虜解讐結好更入迭出罷我奔命且進退分合  
頗有紀律而又納我通人巧爲間諜混迹市廛至窺  
京甸往歲越大同逾鴈門經太原掠上黨闖平陽殘  
漁陽困遼東近復度紫荊逼居庸甚至入古北犯都  
城矣秦中隴西去京已遠卽殺敵人畜數萬不以聞  
也乃役役焉議將議兵議食議通貢議戰守議賞罰  
亦直其細小者耳嗟乎三代之盛漕輓未及於江南  
五季以還門柝不施於薊北漢開疆於衛霍唐盛國  
於安史豈若我朝山川綢繆已得天險營鎮聯絡  
更盡人謀節其貢賦有恒足之財總其紀綱無專命



既歲天子以宸修復責大臣以補袞可見制治保邦不在戎狄而在廟廷矣爲君若臣者幸三復于斯言

之吏蓋自生民以來未有盛於今日者也善爲國者特加之意而已或曰周宣修行獫狁于襄重華敷德四夷來王又曰孰佐重華皐夔益稷孰佐周宣召張山吉有以哉有以哉

張以忠曰維我皇祖驅胡塞外然當是時虜猶盛

強時時患邊成祖掃穴犁庭亦未能盡

殲遺孽暨乎己巳宗社幾危馴至庚戌都

城垂陷自是以來雖羈縻勿絕虜情巨測

安知不伺隙蠢動乎當國者當思順治威

嚴保國家無彊之治毋徒偷安旦夕可也



鄭履淳建文遜國臣記叙

文皇本高  
皇親嫡子靖  
難之舉蓋非  
易姓革命之  
比而守義盡  
節之臣之死  
靡他赤族罔  
悔方陳鐵暴  
而外殆二百  
人彼豈不知  
一署名推戴  
則富貴勲名  
可自樹立而  
必不肯偷生  
昧義如此向  
非我皇祖  
以禮義廉耻  
礪世磨鈍曷

高皇親賢好士砥礪英豪雖戡亂尚嚴威行罔貸而  
冰霜雨露實均造物之心天下鼓於向往建文繩武  
敬體益敦人重名節士惜廉耻試觀革除遺事當時  
死義之臣何多考書契以來未有盛於此者也文  
皇仗義周公師陳江上金川不守本高皇帝親嫡  
子豈易姓比況英毅豁達遠邁建文使智如管仲以  
忠高皇帝者忠文皇他日齊名楊蹇亦無不可  
胡乃甘飴於赴鼎取適於捐生宗嗣奄滅而守不移  
朋屬既殲而心不動精金以百鍊益勁長河雖萬折



有是哉則洵  
矣作人之化  
不可誣也

諸臣事蹟具  
列記中

正統己巳  
帝親征北虜  
至土木六軍  
覆歿帝遂

必東壯烈泣鬼神血誠貫天日方陳暴鐵之節尤爲  
皎皎而周景諸公相時委曲終完大義他若知名無  
考有迹無名者不可勝數又寧無名迹俱泯詩不見  
於蛾眉幾豫決於色舉者乎蓋自推戴留名外人人  
荀息豫讓矣此其浩然天植夫豈聞彼伯夷古稱商  
家一代之人心風俗臣竊謂高皇作人之化更爲  
過之書曰旣歷三紀世變風移高皇變夷爲華誕  
敷文德茲方三紀而養士之報若此自是以後四十  
八年乃有己巳之變去戊申十八餘年德教愈深宜  
有文丞相李侍郎者光我中華盛於建文可也於時



蒙塵事具載

國史

疾風知勁草  
板蕩識忠臣  
士以節見非  
國之幸也然  
素所樹立固  
亦有可下者

死綏授命之士寂無聞焉。豈人不古若遠大相異乃  
爾耶。夫平時危言潔行與臨難抗節死忠其致一也。  
已已以來又百二十年。廷臣危言潔行固多可表求  
其格心善俗。歷歷如漢長孺。唐韓休。宋田錫。歐陽修  
者。殊未易得。卽得之未安於位也。度之濟難。槩可  
知矣。嗚呼。人才關氣運之盛衰。士氣係人才之隆替。  
翁故詳遜國諸臣。以附名臣。不惟彼之不可泯。亦見  
此之不可忽。有風教之責者。庶其感動於斯也。  
張以忠曰。靖難時死義諸臣雖抗。文皇爲可罪然。

其精忠峻節上齊七曜爲國之光多矣隆



慶六年 詔革除被罪者咸建祠予祭褒  
獎恤錄此記因作于嘉靖年間故未及載  
焉



李攀龍青州府志序

銖字琢句製  
調傑然秀異

卓絕等倫

奇邁之氣可

薄霄漢一經

鍛鍊遂竟神

鏘氣恬

其才其學其

識不讓北地

而所造則負

絕者亦才之

所至然也

夫志也者。志也。方志是事而已。欲善之以有所取義。作者之志也。青州爲郡。其事則詩書周禮春秋國語。史記管晏諸書。君子得以識其大者。其取義則所謂有能。紹明世繼春秋本詩書禮樂之際。意在斯乎。爽鳩氏邈矣。先王彊理天下。尚父方就國。而萊人爭營丘。罷侯置守。分領併隸。不常所治。何以按籍如指諸掌。作二十有二圖。與沿革表。爰始賜履。自天子命田和。請立挾濁澤之遇。漢諸王子廢絕。半之迄今。親賢隱惟藩屏有司。庶長更迭。謝與高國世卿異矣。鄉



古健名雋

曲折爽亮

好調

有關係語當  
事者胡可不

一寔之慮也

舉里選明經射策之制興焉。作封建職官選舉表。榮  
惑守虛。釋冤振老龍鬪馬山之陽。乃詭天是使。比論  
行事不遠明威。作星野災祥志。海岱維青州。鎮曰沂  
山。淄澠流惡。安得決瓊洛之水。汁肥自穢。而放于瑯  
琊。比先王觀太公報政禮從其俗。寬緩闊達。繇之平  
易。中具五民。而地重難動。搖六十牧豕。固陋性成。方  
願罷西南夷。不置蒼海郡。安得布被爲而曰齊人多  
詐也。今自見采金煮海之徒。不可動搖。不知我無以  
制其命。乃惟其俗之罪。作山川風俗志。雞鳴犬吠。穀  
擊肩摩。然陰雍長城。暨池龍夏。二分之一。非穀所生。



融裁古雅妙

極天工

奇藻而結撰  
有法

音節鏗然

曲宕神雋絕  
去痕跡

克○服○其○政○亦○既○富○強○絲○蠶○于○燕○牧○馬○于○魯○南○多○山○谷○  
登○降○之○萌○上○斷○輪○軸○下○采○杼○栗○其○餘○鹽○絺○海○物○維○錯○  
戶○登○則○田○治○賦○平○則○產○息○三○者○相○成○以○官○山○海○卽○升○  
葵○丘○壯○冠○裳○之○會○入○石○室○探○文○字○之○原○賢○者○亦○有○此○  
樂○矣○作○戶○口○田○賦○物○產○古○蹟○志○著○定○而○官○君○子○所○繇○  
以○基○命○寧○一○而○出○政○治○之○位○中○國○授○室○羣○萃○州○處○以○  
就○閒○燕○言○必○敬○義○有○社○稷○焉○祝○使○薦○信○堯○之○五○吏○安○  
用○鯢○脯○靈○山○河○伯○無○所○爲○禱○作○官○署○學○校○祀○典○志○昔○  
稱○節○制○技○擊○爲○之○不○教○而○戰○安○謂○怯○于○衆○鬪○卻○流○賊○  
數○萬○騎○亦○繇○人○自○爲○戰○議○者○謂○顏○神○可○城○而○不○可○規○



鑄鍊工苦

此處用調又  
變

古今未經吐  
之妙句繫繫  
不竭真一代  
文龍

爲縣蓋以官具則民匱而險不爲用穆陵之勝是稱  
四塞閔以稱兵足備它盜桓爲游士奉之車馬國家  
一統承流載道察民疾苦使者相望疲于奔命置郵  
如綫作丘防城池關梁驛傳志掩齒寒塗振葶懷里  
愴焉示睦龍夏以北至于海莊門山之祠奚用牢筴  
爲哉觀孟嘗君之泫然于雍門周斯逼城而葬者未  
爲失之逢于何梱心路寢五丈夫見夢梧丘蓋已慘  
于堙微發掘之患矣齊魏之季實崇佛老有屹其棲  
伺我失道作鄉社陵墓寺觀志嬰之知景公不能用  
仲尼猶仲尼之知嬰不能使景公用已尼谿天沮不



調法又變

高言名論傾  
之不窮而更  
有神檢

語愈名確筆  
愈嶄崿

鍊不傷神傳  
不傷氣則才  
之妙也

遇非人維諸侯享國從治以長大哉制辭寵靈篤叙  
九合一匡不可繼矣自餘取節槩于吏體士生其間  
卓稱達材左司馬伯公中大夫王邑富強之佐蓋姑  
置焉而况崇弟蔣弟丁惠之功作聖賢封建名臣官  
績人物傳相勸以趨義忠臣所難有激而累親孝子  
之過自公冶長受業身通田轅伏鄭代爲大儒源本  
六經家傳人授終始大聖之篇號爲閩大主父嚴安  
上書言事感動人主穰苴孫武至今言兵法者宗焉  
鍾離業陽助王息養程本寄食海濱泯子午載書三  
百作忠義孝友儒林文學武功隱逸僑寓傳俠無義



挫天下之氣  
弱天下之骨  
求幾醢悶之  
理乃腐儒之  
迂見不知一  
旦有急于何  
有濟

今之天下止  
有仙釋而聖  
哲絕踪深可  
痛心而士大  
夫方將為異  
端宗盟為吾  
儒戎首不知  
其禍之烈于  
何極也

則豪輕季次故齊人而後之言俠者置之狐咍子狄  
氣足鼓衆士有私伍同袍之役乃過謂之隱憂務摧  
剪其豪卒然按籍無怪其恫疑引避也作卓行傳治  
不越閭有脫珥之后亦有雞鳴之夫人北宮嬰兒何  
為不朝大國問焉守數精明倉公可謂近之矣郎生  
望氣能亦各有所長氣同跡異各以其極聖哲之變  
仙釋間出作列女方技仙釋傳均之進德勸一懲二  
城陽大夫自取杜滅梁丘栢騫過而能懷是從未滅  
崔慶之惡失之履霜作外傳倉頡篇起自上世金匱  
藏於王府惜韶樂無章不得其亂羽翼經術具列傳



化經史子集  
之精而如其  
與吐其華

該博之至難  
在安頓之妙  
前後又極融  
貫可謂文中  
之聖矣

義○君○子○有○道○懸○之○閭○食○魚○乘○馬○紀○有○丹○書○無○救○於○亡○  
文○學○天○性○後○之○作○者○彬○彬○乎○幽○以○明○爲○形○怪○以○常○爲○  
體○精○氣○相○挾○假○合○爲○物○情○則○然○耳○君○子○存○之○作○藝○文○  
遺○文○雜○志○凡○一○十○有○八○卷○爲○目○四○十○有○三○備○矣○善○是○  
之○具○於○人○事○蓋○獨○詳○焉○若○曰○非○徒○以○存○文○獻○而○已○屬○  
之○其○人○取○義○具○在○後○之○覽○者○神○而○明○之○此○秦○杜○二○公○  
之○志○郡○諸○君○子○賢○士○大○夫○之○相○與○以○有○成○者○也○有○能○  
紹○明○世○繼○春○秋○本○詩○書○禮○樂○之○際○意○在○斯○乎○是○爲○序○  
張○以○忠○曰○淵○顯○綜○博○羅○極○海○外○而○神○簡○精○密○位○置○人○

化

國朝作者如林有其名確無其法度有



其典雅無其體裁真卓然爲一代典型北地  
弇州以下誰堪對壘

又曰此文竟可追躡馬班六朝無論試看唐宋人  
作堪伯仲者有幾



中丞劉公薊遼疏議序

結  
像  
結  
精  
工  
詞  
調  
高  
勁  
而  
文  
氣  
又  
極  
古  
鬱  
文  
章  
至  
比  
超  
唐  
宋  
而  
逼  
西  
京  
矣

起  
處  
議  
論  
暗  
結  
一  
篇  
之  
局  
後  
特  
曲  
折  
暢  
言  
之

遐  
遠  
蓋  
多  
違  
玩  
者

公既移鎮薊遼者三年。所奏議先帝時疏。凡五十有  
一章。攀龍受而讀之。曰。大臣身制四夷。從闔外請便  
宜。報成事。機權相生。利害旋踵。兼聽獨斷。務出萬全。  
而使凡厥爲功。若自口出。下從中議。如凡所見。以稱  
上意。而論道之臣。無覆詰之沮。有將順之美。義所必  
至。辭足達之。非是曷繇哉。先帝神武雅厯疆場之政。  
屬鎮以來。虜數入寇。輒下明詔。切責違玩風火示恩。  
輒以邊大臣徒往來文書。問鎮十路。而齊二三其悉。  
意以實狀。惟是孔邇京師。主將舉事。朝發夕聞。誰敢



古今文編  
卷一  
高錫之至極  
其雄峻

今日之庸得  
使中國安  
全命者則以  
敵勦我弱微

哉。微寵靈益持重以假須臾無它變與其幸不可知  
之勝挑怨嘗禍不可也。卽圖戰守戒屬夷狙率嘗媮  
近效與其易而置焉之駭衆不可也。莫尊於中國莫  
嚴於畿輔天子命我而虜數入寇主憂臣辱是周公  
所膺義不至懲艾不得已矣。疏蓋曰必翦滅此而後  
朝食者臣之心也。公一經畧輒及搗巢而使虜常備  
我其罷不減于中國則自憚入寇因以爲令先聲致  
之。又使首鼠顧望結聚瓦解是謂伐謀且曰殘傷之  
餘次第就緒卒期底績以慰永懷蓋先帝前已壯之  
遼之役一月三捷爲拊脾稱詩焉而公復條所自與



此雄謀也非  
雄文無此壯  
永無此高調

視今日以險  
予敵者何如

文氣勁絕

創舉者三事。感動上意。延論道之臣。以終前疏。自今  
觀之。置裹糧待敵之士。不以食版築自衛之力。則坐  
費。而其防必不工。中屬吏挾賞之詐。不以廣各邊分  
探之情。則仰寄。而其備必不豫。欲唯勢是乘。戰守相  
為。非先立于自強之地。則失恃。而其應必不給也。信  
乎。發日新于熟計。身倡始于前聞也。調習兵馬。疏更  
惓惓。戰守奇正。帝為采納其說。非常視公矣。請斥四  
海。治壹使邊。無遺險。論道之臣。見以為得策。公猶曰  
設守之兵。于深于堅。可據以形。即未出鋒鏑之下。終  
不敢自詭必勝。是豈一日忘戰也。不然。無翦滅虜而



此段括盡一篇之意步步

收拾步步迴

顧開鎖極密

鑄鑄極精知

此文章非寤

食坐臥于漢

書不能吐隻

字

筆力矯矯

後朝食之心。猥以幸不可知之勝于殘傷之餘。施無次第。挑怨嘗禍。若怵于易置。不著超然遠覽之見。嫌以創舉自與。而忸率常以塞命。上且按疏切責。此何義乎。微將軍誰不樂此者。論道之臣覆詰相難。安得采納其說明詔。相勞羣推得策也。是編也。疏所謂今之急務。臣之所言。卽臣之所行也者。公起進士。贊畫雲中。蕩平倭患。三十年于此。籌策北虜。明矣。非不知朝廷之大議。臣如流嘉謀。日聞于上。無非奏議。顧兵勢國之大事。當爲後法。身閱利害。豈嫌創舉以要明主哉。昔人蓋嘗憂之曰。國家與公卿議大策。非凡所



妙在神骨不  
可以聲色求

專閫之臣難  
在謀出萬全  
在中無忌沮  
二者得而國  
事未有不濟  
者也

見事必不從分自報罷重得讓。誰復言之者不知其  
所條奏無以使其事若凡所見耳。魏相諫止趙充國  
伐匈奴右地而先零之役獨身任其計可必用也。豈  
凡所見乎。雋傑之士指世陳政言成文章。昔人所難。  
若是者無幾人。即能從中將順身任其計。非凡所見  
較如指掌者幾人哉。又不然從閫外請便宜計定而  
後發。竢可而後舉。得之于慮失之一詰。豈其才之罪  
也。然則是編也。公蓋上以紀先帝知遇。總安攘之略。  
下以明論道之臣任大計如已出。質有其文武云。  
張以忠曰。高古雄健峻邁崢嶸闊視千秋典型一代



古今文苑

卷十六

三



送萬郎中章甫讞獄湖廣序

雄文高調駕  
軼今古真名  
世之文

先叙舍中事  
隱伏按禁軍  
一段後段開  
絡始精然全  
無照應痕迹  
可謂文中之  
聖

讞獄者但知  
賊吏撓法舞  
文而已豈知  
人有智愚則  
平反亦有未  
必當者出入

在大司寇官屬余與章甫爲同舍郎旦夕從事舍中  
也。今歲天下大讞獄。乃章甫得報之楚中。則謂余曰。  
子以吾聽訟猶人哉。卽數年于舍中。君所知也。一切  
造對。按簿責之。見法輒取。奏成于手中。視其人與情。  
不甚相遠也。楚俗良獄。赭衣載道。而犴狴盈。犴章大  
者連逮。證案數百。小者數十人。鞫者非一吏。繫者非  
一日。衆人所謂無罪者。牽于文。致不可得反。所謂有  
罪者。則其辭又不與罪蒙。不徒受賕吏撓法舞文。人  
有智愚。卽文有害辭微意。遂隱雖咎繇聽之上。觀下



重輕何可不  
明允哉

洞見獄情

此所謂無罪  
者牽于文  
不可得反

獲有不可信者矣。縣道官重成案，不欲覆劾。且數代  
去人情，寃久不得直，則不復樂生。自號呼其寃，則上  
以爲犯已，而又被近刑。彼知無益于生，而且被近刑，  
也。後有心知其寃，指道以明之者，且以身無完膚。庭  
有尺箠，亦徬徨懼顧，不出一語自救也。此豈不髡鉗  
戮囚甚危也。豈自愛傷生乎？其心以爲是固亦將謂  
一成而不可變，當無異于它吏者云爾。此猶百不有  
一，然已足以損吾照覆之明，傷吾見牛之仁。而况大  
猾元慙，一朝殺人，則亡命莫索。桮連蔓及坐，罪無辜。  
然後從旁圖之，莫不以禦人之貨，售府辜功，百金易



此所謂有罪者其辭又不與罪蒙

精思雄調筆力陡然而論極閑係

又說此一段轉出文勢絕好

字千金易辭而或怨家積憤靡于歲月有司姑息久  
繫憚于論報使其終年造佞一夕訊焉則出言而投  
抵獄文之隙兩造不備肆為單辭欺玩厚貌其示人  
詞色且懼且疑佯為錯愕何可復得恃其五聽之術  
如初捕時哉若使各責如章告劾不服以笞掠定之  
一刀筆力足矣烏在其為奉天子德意何能長我  
王國也夫獄之疑者吏或不敢決縣道官猶得各讞  
所屬二千石官二千石官以其罪名當報之所不能  
決者猶得移中丞臺治獄御史當報之中丞臺治獄  
御史所不能決猶得奏傳所當比律令以聞而奉宣



此段說讞獄  
其責甚重益  
見獄有天下  
之大命必不  
可忽意

讀至此未有  
不中夜徬徨  
傷心酸鼻者  
尚得以讞獄  
為故事而不  
密克哉

上恩人命至重也司寇使者既出則縣道官二千石  
官中丞臺治獄御史所不能決者舉皆往移焉而一  
切復案當報之奏傳律令得可事于天子枯拳坐  
解園狴立出民以不冤中愛獲致辟雷雨作解元氣  
鼓盪百物甲圻不亦已媮快勝任乎然有一報不當  
無論網漏吞舟之魚卽無罪者今不得釋則其獄愈  
益亡解時後之人愈益自嫌不肯變縣官不復讞二  
千石官二千石官不復讞中丞臺治獄御史矣冤者  
繫囹圄苟可以有生孰不引頸從桎縲中日夜望司  
寇使者至也我乃各責如舊章又以笞掠定之使無



結調鏗鏘從  
古著作之林  
所未有

字句古茂精  
勅

論嚴語教

有從出之塗哉。且楚自辰沅而南，徭峒之亂，頻年用  
兵，皆竄偷生，而無積聚。民散久矣。殷王中興，奮伐荆  
楚，恒以不僭不濫大監于民。今之臣子奉惟天子  
威靈，何可不敬繇獄也。余唯都下橫不可問者，莫若  
親禁軍。其在衛尉稱貴重臣，即互相援庇，而豪猾少  
年多。所縱舍弗法，衆甫與余得就舍中按之。也有父  
不能字厥子，而遺條不殄者，乃疾厥子而訟欲殺之。  
會逮，則其子自引罪，獄且具。猶若不敢深發之。章甫  
自爰書覆劾，其父禽獸行，論誅也。其衛尉蓋若有讓  
焉。章甫曰：刑弼教，自正父子始也。及諸中常侍陰託



用漢書化而確全篇文勢俱振可謂神工

相屬無不危言恐動章甫曰惟官惟來其罪均也可謂不畏疆禦矣推此心以在外江海之間可得信乎

張以忠曰氣格雄鍊精采奮揚其古峻處直可上逼

西京此本朝金石之筆也詎易屈指

又曰說讞決之難正見據法揆情猶多失實况

視為故事則輕重出入報當者益鮮矣深

切詳盡揀世藥石



送宗子相序

上世貞與書  
子匠心而材

古者也其工

極矣予之錯

於材也世無

通于古者以

故無稱子亦

無稱我然而

世之疑子也

甚於我即百

千萬年而其

疑子也又甚

於我

又作公傳揅

觚之士不盡

見古作謂于

麟師心而務

王元美嘗與余論天下士謂子相於梁生徐生可謂

騏驎少壯一日千里何不可爲也久之梁生往南海

徐子與請金陵不調元美之吳郡海內交游且盡矣

乃子相又以疾去豈詩於人能使有所不爲也子相

蓋嘗謂朝廷可使無文章之士則靈鳥不必鳴岐

山而麒麟爲禱枕知言哉所論萬古一時者矣方吾

之屬類比事結撰至思時也倏來忽失經營於將迎

之間既竭吾才而不得一辭窮日之力而不得一語

猶且不能自己也而遑及其他無論明良喜起賡歌



求高以陰操其勝于人耳目之外而駭之其駭與尊賞相半而至子有節之文則心服靡間言  
劉鳳作公誄序公文夙夜淬厲力振衰風雄峭奇勁矜厲莊遠可謂古之極軌無復遺憾詩則唐民之盛七言軼而且之餘輒極豐隆之秋勢自肯橫篇者未

君臣之盛於唐虞之廷。卽其次朝。不坐。焚不與。憫時政得失。主文而譎諫。言之者無罪。聞之者足以戒達。於事變。而懷其舊俗。亦何所不得於我。而況合契古人。明請一朝。實獲其心得。意尺牘。千金享之。嗟嘆咏歌。手舞足蹈。過此以往。莫之或知。不言而信。是委喻於同心。其有不反。三隅則屏息辟之耳。旣以強人人。愈厭旣以信人人。愈疑其心。以爲與其以不吾知者。嘗吾技。則豈不得已。其無以嘗吾技者乎。則病者乎。是謂我竭才窮日之力。而得之。而彼豈輒得聞焉。是則不恭之大有不恤者何也。立乎百世之上。使百世



之有矣

目習岸然睥睨一世寔有命世才非苟而已也

詩所以窮而益工

之下聞風而興起是旦暮遇之也四海而一人焉是  
比肩而至也何有於我也正使不免於好名之嫌則  
雖陸沉下僚亦餘此不朽之心獨奈何非義而冀幸  
不可埃之富貴以心術之微精神之所至而沾沾焉  
游大人以成名也詩可以怨一有嗟嘆卽有咏歌言  
危則性情峻潔語深則意氣激烈能使人有孤臣孽子  
擯棄而不容之感遁世絕俗之悲泥而不滓蟬蛻滋  
垢之外者詩也子相之視天下又何所可爲乎向吳  
舍人亦爲余言子相於是也不然以子相之材在吏  
部何憂不卽至卿相而委蛇若是卽世俗之見以竭



才窮日之力作無益。安知從吾所好也。獨其人實不窮一日之力。謬爲詩以竊取譽。不知者受欺而與稱列。至爲稍黠者所窺。遂爲太過矯失。不復區別真僞。槩天下賢者。於是而子相不免於疑。則有之爾。然豈詩之罪哉。直其公也。人皆知子相有所不爲矣。可以無公也。其尚疑子相也。則人有不可信也。詩難言也。張以忠曰。本朝開國以來。人文蔚興。然不無有宋衰

弱之氣

敬皇時北地李生起而振之。翕

然不變

肅皇時滄溟輩出。黠時崇古。一

時詩文于斯爲盛。讀此知公自負固不小



劉公樂峴亭記

高邁宏俊望  
之傑然卽之  
夷然雖復鐫  
鍊之至而神  
氣雍容深婉  
風雅

羊祐樂山水  
每風景必造  
峴山嘗曰由  
來賢達勝士  
登此山者多  
矣皆潭滅無  
聞使人悲傷  
如百歲後有

公旣在襄陽諸生間不樂也已乃謂御史君曰昔爾  
先大父之除新鄭雖介然一王官之大邑丞乎固周  
室之未成子也豈其事長而我伐伎以馮人豈其行  
意而人稱功以加我蓋三載人莫知之矣人情不能  
樂其所不安不能得于其所不樂我始慨然慕羊叔  
子杜元凱之爲人今亡論其位卽其功懸諸所遇如  
此其難也不得乎丞將求乎身孰與不得乎身將求  
乎子也獨如嚮之人哉吾所爲營峴者以若效爾大  
父于不窮而吾將老焉以是爲樂耳方叔子建平吳



知魂魄猶應登此也祐卒杜預代將平吳終祐之志預好爲後世名常言高岸爲谷深谷爲陵刻石爲二碑紀其勲績一沉峴山之下一立峴山之上曰焉知後不爲陵谷乎

之議欲引梁益之兵水陸俱下荆楚之衆進逼江陵平南豫州直指夏口徐揚青兗徑詣秣陵巴漢奇兵出其不斥卒如所言何策之明也元凱旣激湍消諸水以浸南陽諸田萬餘頃遂開陽口起夏水達巴陵千餘里以瀉長江之險而通零桂之漕民到于今利之何計之遠也是皆踪跡之所往來精神之所暢悅山川之所動盪勲業之所肇造策之所爲明計之所爲遠以是得于峴而後世誦義不忘猶我視若于此者若能無意二子于此乎今天下南絰于越北構于胡芻粟膠滯飛輓纏絕此亦羊杜一時今何以明策



因管峴而及  
羊杜當年勳

績因羊杜而  
及今日時事

則樂峴非徒

峴之謂也蓋

經國遠猷濟

時宏烈三致

意焉

抑揚頓宕情

辭深婉調度

悠揚

遠計入告我后而無勤諸執政乎即使持節監胡若  
粵諸軍事不者大興卒治河若以使者行水惟是南  
北交檄力百倍吳畫何所出何以係尉它伏中行而  
笞之背縣官之費歲且鉅萬乾溢不常仰給遂詘渥  
消零桂不啻涓委今何以芻粟相屬千里坐至以無  
爲諸執事憂吾非其峴之謂夫固謂二君子之嘗至  
于峴也不然夫豈不知鹿門之可以老也二君子得  
此于峴若得二君子于國家而吾以得峴于若吾何  
爲不樂哉杖屨不具眺望不適談詠不揚飲酒不歡  
琴瑟不鳴俎豆不大吾之事也吾何以知若能爲羊



辛杜二子勛  
名士也超然  
遠覽則二石  
亦餘事

又挽又宕

議高神遠而  
更有適逸之  
氣

叔子杜元凱與不能哉彼且曰百歲後魂魄猶登此  
山也。未嘗不流涕于斯人陵谷功名相爲變遷彼且  
奚以二石爲矣。此其辯在詹何之說子牟也不得乎  
承求之乎身既得乎身推之乎子公之所爲自勝者  
婉矣。爲峴而樂庶乎縱之又何害乎心居魏闕之下  
也。預嘗自謂武非其功。祐蓋曰疏廣吾師也。出處之  
間古人難之。慕叔子元凱之功而猶不忘鴻鵠龜鼉  
之喻。余于是知公不言而有以自與焉。蓋曰夫豈不  
知鹿門之可以老也。然不于鹿門而于峴也。則托龐  
公于二子矣。























